



NAGRADA ZA  
INOVATIVNE  
NASTAVNIKE




GLOBAL  
TEACHER  
PRIZE

BOSNIA AND HERZEGOVINA

GODIŠNJA NAGRADA ZA INOVATIVNE NASTAVNIKE/CE U 2019. GODINI

POZIV ZA PRIJAVE



## ONAGRADI ZA INOVATIVNE NASTAVNIKE/CE U 2019. GODINI!

Nagrada za inovativne nastavnike i nastavnice u Bosni i Hercegovini **najvrijednije je priznanje među edukatorima i edukatoricama** na svim nivoima obrazovanja. Već četvrtu godinu uspješno promovišemo nastavničku profesiju za koju vjerujemo da je najvažnija profesija i ključni indikator kvalitetnog obrazovanja. Od nastavnika za nastavnike, glavna je odlika ove nagrade. Prethodni pobjednici i pobjednice predstavljaju komisiju za odabir za narednu godinu uz savjetodavnu ulogu univerzitetskih profesora i Centra za obrazovne inicijative Step by Step.

## ŠTA JE CILJ NAGRADE ZA INOVATIVNE NASTAVNIKE I NASTAVNICE?

Cilj dodjele godišnje nagrade je prepoznati i promovisati one pojedince i pojedinke koji daju nemjerljiv doprinos razvoju odgoja i obrazovanja, predane i posvećene profesionalce koji svaki dan u vrtiću ili školi pretvaraju u čarobnu avanturu učenja i otkrivanja.

## NIN I SVJETSKA NAGRADA ZA NASTAVNIKE (GLOBAL TEACHER PRIZE)

Od ove godine (2019.) ponosni smo partner **Svjetske nagrade za nastavnike (Global Teacher Prize)** koju organizuje i implementira Varkey Foundation a glavna nagrada je jedan milion dolara. Pobjednici i pobjednice u svakoj kategoriji zajedno sa Centrom za obrazovne inicijative pripremaju aplikaciju za ovu prestižnu nagradu i za nominacijski period 2020. godine. Pobjednici i pobjednice Nagrade za inovativne nastavnike i nastavnice ostvaruju **pravo na direktni prolazak u drugi krug takmičenja**.

Ovo partnerstvo ne spriječava nastavnike i nastavnice širom Bosne i Hercegovine da individualno apliciraju za Svjetsku nagradu za nastavnike (Global Teacher Prize).



## 50 NAGRADA U 5 KATEGORIJA!

I ove godine, kao i godinama do sada, dodjeljujemo **50 nagrada u 5 kategorija**, jer vjerujemo da svi koji čine školsku zajednicu igraju nemjerljivu ulogu u životima djece.



### KATEGORIJA 1

Odgajatelji/ce u predškolskom odgoju i obrazovanju



### KATEGORIJA 2

Učitelji/ce razredne nastave u osnovnim školama



### KATEGORIJA 3

Predmetni nastavnici/ce u osnovnim školama



### KATEGORIJA 4

Predmetni nastavnici/ce u srednjim školama



### KATEGORIJA 5

Stručni saradnici/ce na svim nivoima odgoja i obrazovanja

Centar za obrazovne inicijative zadržava pravo da smanji broj nagrada u skladu sa brojem pristiglih prijava.

## NAGRADE I PRIZNANJA

Pobjednici u svih pet kategorija dobijaju plaketu Najinovativniji nastavnik/ca za 2018. godinu u svojoj kategoriji i novčanu nagradu u iznosu od 1.000,00 KM. Svi nominovani nastavnici i nastavnice dobijaju specijalne plakete – priznanja i prigodnu nagradu. Svoje nagrađene i nominovane prakse nastavnici će predstaviti kao gosti 12. Regionalne konferencije Zajednice inovativnih nastavnika i nastavnica.

O pobjedničkim praksama, Centar za obrazovne inicijative Step by Step svake godine snimi visokokvalitetne edukativne filmove, koji dožive svoju promociju na nastupajućoj konferenciji. Dosadašnji filmovi doživjeli su veliki uspjeh kako u Bosni i Hercegovini tako i u regionu. Dosadašnje filmove pogledajte na [www.inskola.com](http://www.inskola.com) i Youtube kanalu Centra.

Pored navedenih nagrada i priznanja, svi nominovani/e, kao i pobjednici/e, imaju priliku učestvovati na obuci „Inovativna praksa 2.0“, gdje mogu transformisati svoje prakse u programe obuke za druge nastavnike i nastavnice. Kroz Zajednicu inovativnih nastavnika i nastavnica većina nastavnika dobije priliku predstaviti svoje prakse na događajima koje organizuje Centar u saradnji sa Zajednicom inovativnih nastavnika/ca.

## KO SE MOŽE PRIJAVITI?

Za godišnju IN nagradu se mogu prijaviti svi zaposleni ili na drugi način angažovani odgajatelji/ce, nastavnici/ce osnovnih i srednjih škola i stručni saradnici/ce sa područja cijele BiH. Za nagradu ne mogu aplicirati prošlogodišnji pobjednici i nastavnici koji su već dva puta za redom bili u kategoriji "nominovani", ali ako ste već bili jednom nominovani od srca vas ohrabrujemo da opet aplicirate jer već imamo iskustvo „od nominovanih – do pobjednika“.

## ŠTA SU ZA NAS INOVATIVNE PRAKSE?

Nagrada se dodjeljuje za doprinos unapređenju odgoja i obrazovanja, sa posebnim fokusom na razvoj kritičkog mišljenja, kreativnosti, primjene naučenog i socijalnih kompetencija, kroz inovativne prakse i pristupe u sljedećim oblastima:

- Inovativna primjena postojećih ili razvoj novih metoda i strategija učenja i poučavanja
- Kreativna integracija sadržaja i predmeta poučavanja kroz tematski i projektni pristup
- Kreiranje novih materijala, didaktičkih sredstava i/ili resursa za učenje i poučavanje
- Stvaranje posebno kreativnog i inovativnog okruženja za učenje
- Inovativni pristupi u oblasti formativnog praćenja i procjenjivanja napredovanja djece/učenika
- Korištenje informacione tehnologije na inovativan i kreativan način
- Novi i efikasni modeli u razvoju partnerstva sa porodicama, zajednicom, drugim odgojno-obrazovnim ustanovama i sl.; uključivanje roditelja i zajednice u učenje učenika
- Inovacije u planiranju i realizaciji vannastavnih aktivnosti
- Druge inovativne ideje i prakse u skladu sa kriterijima

## KRITERIJI ZA ODABIR

### KRITERIJ 1: INOVATIVNOST I KREATIVNOST

Inovativnost i kreativnost dolaze u mnogim formama, i ponekad podrazumijevaju stvaranje potpuno novih ideja, ili pak jedinstvenu kombinaciju i/ili primjenu postojećih ideja u specifičnom kontekstu. Inovativne ideje nastaju kao promišljen pristup u rješavanju određenih prepreka u učenju i poučavanju, ili podrazumijevaju pronalaženje novih, originalnih ideja kojima se nastoje postići što bolji rezultati za svaku dijete/učenika. Inovativnost se može ogledati u osmišljavanju različitih tehnika, metoda i strategija poučavanja, inovativnoj primjeni poznatih praksi, kreiranju različitih materijala za učenje i poučavanje i drugim oblastima.

### KRITERIJ 2: DOPRINOS UČENJU I RAZVOJU DJECE/UČENIKA

Inovativne nastavne prakse trebaju, prije svega, doprinijeti razvoju djece/učenika. U tom smislu, nominovana praksa će se procjenjivati u odnosu na to u kojoj mjeri potiče aktivno uključivanje djece u proces učenja, razvija kreativnost, kritičko mišljenje, rješavanje problema i druge kompetencije; odnosno koliko doprinosi boljom socijalnoj koheziji u razredu/školi i šire, razvoju vrijednosti, socijalnih kompetencija i ličnosti djeteta. Dokazi za to mogu uključivati podatke proizašle iz praćenja djece/učenika, refleksije na realizovanu praksu, istraživanja, radove djece i sl.

### KRITERIJ 3: MOGUĆNOST PRIMJENE U DRUGIM SREDINAMA

Jedan od najvažnijih ciljeva promocije i prezentacije inovativnih ideja i praksi je profesionalna razmjena i uzajamno učenje. U tom smislu, procjena nominovane prakse uključivaće jasnoću strukture, njene svrhe i ciljeva, dobro opisane postupke, adekvatne dokaze o efikasnosti, kao i mogućnost primjene u drugim sredinama.

## BIĆEMO TUŽNI AKO VAŠE PRIJAVE...

U proces bodovanja, nažalost, neće biti uključene nominacije koje:

- Nisu potpune, odnosno ne sadrže sve potrebne informacije
- Opisuju samo jednu, kratkotrajnu aktivnost (npr. priprema za jedan čas ili drugu jednokratnu aktivnost i sl.)
- Predstavljaju tek implementaciju neke već postojeće, razrađene ideje
- Realizovane prije više od 5 godina
- Su bile nominovane dvije godine zaredom



## SAVJET DOSADAŠNJIH NOMINOVANIH NASTAVNIKA I NASTAVNICA


Kako bi se najbolje inspirisali za svoju nominaciju pogledajte sve dosadašnje filmove o pobjedničkim praksama. Pored toga pročitajte dosadašnje aplicirane prakse na [www.inskola.com](http://www.inskola.com). Vjerujemo da ćete na ovaj način steći bolji uvid u to šta tražimo i na koji način bi vaše prijave trebale izgledati. Vjerujemo da ćete uživati čitajući dosadašnje prakse, kojih imamo preko 150.

## PROCES PRIJAVLJIVANJA

Svi zainteresovani, mogu se prijaviti tako što će popuniti formular za prijavu koji se nalazi na web stranici <https://inskola.com/> pod sekcijom NIN, i poslati ga najkasnije do **15.10.2019. godine** zajedno sa svim prilozima.

Slanjem svoje prijave dajete prava COI Step by Step da objave sve priložene materijale pod Vašim punim imenom i prezimenom.

Centar neće objavljivati vaše lične podatke poput elektronske adrese, fizičke adrese i drugih podataka. Informacije se čuvaju prema protokolu Centra i dostupne su samo zaposlenicima.



## PROCES PRIJAVLJIVANJA

Rok za prijavu i dostavu svih materijala je **15.10.2019. godine**. Za sva pitanja vezana za prijavu, možete se obratiti na adresu [nedim@coi-stepbystep.ba](mailto:nedim@coi-stepbystep.ba). Prije no što napišete svoje pitanje, provjerite da ga već neko nije postavio na ovom linku „česta pitanja“.

## KOMISIJA ZA ODABIR

Komisiju za 2019. godinu čine pobjednici i pobjednice nagrada za inovativne nastavnike/ce u 2018. godini sa dopunskim članovima.

## CEREMONIJA DODJELE NAGRADA

Nagrade će biti dodijeljene početkom decembra na svečanoj ceremoniji u Narodnom pozorištu u Sarajevu. Centar omogućava svim nominovanim da prisustvuju Ceremoniji. Na vama je samo da budete dio čarobne večeri.

Prijavi se na [www.inskola.com](http://www.inskola.com)



Prijatelji inovativnih nastavnika i nastavnica

